



Allakkiaq

Uunga

Nunanut Allanut Sillimaniarnermullu
Ataatsimiitsitaliaq
Inatsisartut

Assinga uunga

Postboks 1340

3900 Nuuk

Tlf. (+299) 34 50 00

E-mail: nap@nanoq.gl

www.naalakkersuisut.gl

Inatsisartut Upernaakkut Ataatsimiinnerani immikkoortoq 58: Uunga siunnersuut: Kalaallit Nunaata nunasiaataanerani ingerlatsinermit pissutsit pillugit qulaajaasoqarnissaanut, tamatumunngalu atatillugu Danmarkip NP nunasiaataajunnaarsitsinermit piumasaqaataanik naammassinnissimanersoq suliassamik allaaserinnittoqarnissaanik Inatsisartunit akuersissutigineqartussatut aalajangiiffigisassaattut siunnersuut pillugu allakkiuaq

Maajip 3-ni 2023 immikkoortoq 58 Inatsisartuni upernaakkut ataatsimiinneranni siullermeerneqarluni oqaluuserineqarpoq.

Immikkoortup 58-p siullermeerneqarnerata kingorna immikkoortoq Nunanut Allanut Sillimaniarnermullu Ataatsimiititaliamut suliarineqartussanngortinneqarpoq.

Tamatuma kingorna apeqqutit Nunanut Allanut Inuussutissarsiornermut Niuernermullu Naalakkersuisumut akisassanngortinneqartut nassiunneqarput. Apeqqutit allakkatigut akissuteqarfigineqarput, taakkualu ima naaneqartinneqarput:

“Naggasiullugit maluginiaqqussavakka:

Inatsisartut ataatsimiittarfianni oqallinneq tunngavigalugu Naalakkersuisut qulaajaanermik Kalaallit Nunaata nunasiaataanerani ingerlatsinermit pissutsit pillugit qulaajaasoqarnissaanut, tamatumunngalu atatillugu Danmarkip NP nunasiaataajunnaarsitsinermit piumasaqaataanik naammassinnissimanersoq suliassamik allaaserinnittoqarnissaanik nutaamik suliamik aallartitsinissamik misileeqqinniarlutik ammaffigimmassuk.”

Tamatuma kingorna Nunanut Allanut Sillimaniarnermullu Ataatsimiitsitaliaq siunersiuinissamut imaattumik apeqquteqarluni aggersaavoq:

Siunersiuinermi tulluuttut oqallisigineqarnissaat ataatsimiititaliap kissaatigaa:

- 1. Misileeqqinnissamut nutaamik sunik takorluugaqarnersut Naalakkersuisut sukumiinerusumik nassuiaateqarsinnaappat?**

Immikkoortup 58-p Inatsisartuni siullermeerneqarnerani, Inatsisartuni partiinit

ilaatigut oqariartuutigineqarpoq ilisimatusartunik nunatta avataaneersunik suleqateqarluni qulaajaaneq ingerlanneqassappat ammaffigigitsik.

Naalakkersuisut Ilisimatusarfimmut allanullu saaffiginninnerminni taama suleriuseqarnissaq nalilersorsimanngilaat. Naalakkersuisut qulaajaanissami kalaallit isiginnittaasiat atorlugu misissuisoqarnissaa attanneqartariaqartoq siunnerfigaat, aammami allagaatit kalaallisut allassimasut nalilersorneqarnissaat ilimanaatilerujussuummat. Taamatuttaaq "oqaluttuarisaanerup" apeqqusiinnaassuseqarluni kalaallit isiginnittaasiat atorlugu imaluunniit kalaallit isiginnittaasiat ilisimalluarlugu allanneqartariaqartoq pingaartinneqarpoq.

Inatsisartuni siullermeerinnittoqareernerata kingorna allanik aaqqiissutissaasinnaasunik qulaajaanissamullu aallarnisaataasinnaasunik , uanilu kalaallit ilisimatusartut peqatigalugit nunatta avataanit ilisimatusartunik atuinissamik periarfissat, pillugit ujartuinissamik isummamut Naalakkersuisut ammapput. Taamaaliornermi qulaajaanissamut kalaallinik ilisimatusartunik amigaateqarnermut taarsiullugu aaqqiissutaasinnaavoq. Nunatsinni oqaluttuarisaanermik allattut sallerisaattut Ilisimatusarfik suli isigineqartariaqarpoq, taamaattumillu aaqqiissutissat periarfissaasut eqqarsaatigalugit Naalakkersuisut ilisimatusarfik attaviginiarpaat. Naalakkersuisut Ilisimatusarfiup pisinnaasaasa annertussusaat tunngavigalugu kinguarsarneqarusunngillat, taamaattorli tamatumunnga tunngatillugu oqaloqatigiinnissaq ingerlakkusullugu.